



17479

I Mag. St. Dr. P

*Labeński Stanisław: Oratio funebris
manibus p[ro]p[ri]is D. Leg. Myszkowski*

PANEG. et VITAE

Polon. 4^{to}

№ 582.

Biblioteka Jagiellońska



stdr0002901

ORATIO FVNEBRIS

Manibus Piis

ILLVSTRISSIMI DOMINI,

D. SIGISMVNDI

MYSZKOWSKI GONZAGÆ,

Marchionis de Mirow. Supremi

Regni Polonię Marschalci. Cor

cineñ. Grodeceñ. Soleceñ. &c.

Capitanei, Dñi & Patroni clementiss.

A

STANISLAO LABENCKI,

Artium & Philosophiæ Magistro.



CRACOVIAE,

In Officina Lazari, Matthias Andreouicñ:

Anno Domini, 1615.

JAGELLONICAE
BIBLIOTHECAE



BIBLIOTHECAE
JAGELLONICAE

17479I

Pro Ioue pugnarunt Aquila & Leo, quando Gigantum
Sæua cohors, cælo vimquæ manusquæ tulit.
Quattuor hîc Aquilæ, posuere, hîc bina Leones
Castra: ferus Mauors hîc magis arma mouet.
Scilicet alta petit virtus MYSCOVIA; monstrat
Hoc Diadema, Aquilæ, bis Leo magnanimus.
Hoc solæ robur, Crucis & pia signa, Potentem
GONZAGÆ ostendunt, robore, honore, Domum.

ALCOVIA

In Oratione...
Anno Domini, 1688.

Illustri & Magnifico Domino,
D. IOANNI MY-
szkowski, Marchioni de Mirow,
Capitano Corcineñ. &c. &c.

Unà cum

Nobilissimis ac Generosis: D. D. Ferdinando Ca-
pitaneo Grodeceñ. b Vladislao &c. Fratribus:
lugenti.




N *LVCTVOSIS EXEQUIIS*
Illustriſſimi Parentis Mag: D. V. & in
tanta eius Manibus parentantium multi-
tudine, dùm vnumquemq̃ue : ideo, ad
ſupremum officium ei perſoluendũ. n pro-
perantem : excitauit quoq̃ue animum meum graui hoc
caſu percuſſum beneficiorum iucunda recordatio. Quid
excitauit, imò renitentem etiam adegit, vt ſempiternæ
memoriæ, Dominum & Patronum meum clementiſſi-
ſimum, hanc oratione non tam benè tornata, quàm lachry-
mis perfuſa, non tàm nitidula (nam quorſum elegantia
in publico ſquallore?) quàm lugubri & malè compta, qua-
lem decet dolentis eſſe, ad ſupremum uſquè rogam pro-
ſequerer. Neq; ignoro, rem me humeris meis aggreſſum
longè imparem; Summorum enim virorum vt ſtatuae &
imagines non niſi ab excellentibus ſictoribus aut pictori-
bus:

bus; ita virtutes quarum sunt illa simulachra à diuinis
scriptoribus celebrari debent. Sed cum Illustr: Parentis
Mag: D. V. in me luculenta extarent beneficentiæ ar-
gumenta, impudētis erat gratiam tacendo oblitterare: non
hominis videbatur, sed cuiusdam sine sensu saxi, in hac
omnium publica comploratione ne vna lachryma, pie vi-
ta defuncto litare, & ad quem maximè doloris sensus
pertinebat, nihil prorsus commoueri. Non ita mihi
cornea fibra est quin (cum Te Fratresq; Tuos nobilissima
pectora aspicio, atra veste, vultu deiecto, decessum Parētis
carissimi lugentes, consanguineos, tuum & suum mise-
rantes infortunium) subita vi doloris non percellar & Te
lachrymarum mearum testem accersam. Tibi igitur
Mag: Dñe tibi tuoque Illustrissimo Parenti istam dolo-
ris mei, offero Hecatomben: accipe placido vultu, & Di-
ui progenitoris clienti, succede benignissimus Patronus,
in cuius Augustissimi nominis venerationem, me mea-
que omnia studia & obsequia, libenter conuerto.

Vestra Illustri Magnificentie
deditissimus

M. Stanislaus Labencki.

ORATIO.

 SI QVIS FORTE MIRATUR, quid insolitus iste mœror secum incōmodi afferat, quid uè adeò luctuosū & ipsis ferè lachrymis destinatum tempus admoneat, vnde tantus vbique dolor omnium in Rep: Ordinum, cōquestiones ciuium gemitus, amicorum tristis ac demissus vultus, propinquorum lamenta, clientum lugubris iste squalor. Is si rem penitus introspexerit, & diligenti consideratione examinatam expendit, piam hanc lectissimorum hominum contestationem, prædicandam populorum consuetudinem, iustissimum ornandæ virtutis affectum omni seculorum memoria tenendum & propagandum esse meritò iudicabit. Graue enim vulnus est, vno ictu eum amittere, quem longa ætas, plurimus rerum vsus diuturnæ artium & virtutum exercitationes Regno huic amplissimo pepererant. vix tanto tamque præclaro viro gaudere incēpit, communis omnium parens inclyta Patriâ, & eundem augere fortunis, ornare honoribus (si qui honores diuinæ virtuti pares sunt) cogitat,

A

ecce

ecce rapitur ex oculis ipsius carissimum lumen
SIGISMUNDVS MYSCOVIVS. Qualis & quantus
vir, quis oratione dignè explicaret: dignus certè
ob rarissimum animi & iudicij lumen, & matu-
ram illam virtutem & sapientiam qui nunquam
occidisset. Qui enim non sibi, sed aliorum utilita-
ti se viuere putat in ciuitate, eum oportet non so-
lùm florentem & diuturnam, sed etiam immorta-
lem (si fieri possit) vitam viuere. Neminem video
ita in medio sole cecutire, qui hoc beneficium sy-
dus non aspexerit, vel suauissimo humanitatis il-
lius influxu non fuerit recreatus, quiq; non simul
cum isto viro in memoriam veniat amoris Patriæ
& antiquæ maiorum nostrorum probitatis, qui
deniq; non erumpat in verba illa, quantus splen-
dor cecidit populi Polonici, quanta exterorum
hominum admiratio, sed & singulare ornamētum
Senatoriæ dignitatis occidit. Rex optimus fide-
lissimum consiliorum administrum desiderat, no-
bilitas exposcit præsidium, omnes commune sibi
perfugium ereptum ingemiscunt. Sublata è con-
spectu nostro illa virtutum altissimarum imago
perfectissima, abiit in tenebras illa omnis iucun-
ditatis lux, è cuius præsentia tot mirabiles amo-
res atque voluptates percipiebamus. Quod si in
Patriam grati, in nos ipsos pij, in viros actionum
præstan-

præstantissimarum gloria illustres, benè affecti esse volumus, quæ statua quis honor ijs debebitur, qui ad clauum Reipub: constituti omnes procellarum fluctus, fortiter excipiunt, irarum tempestates singulari compununt prudentia, discordiarum æstus redigunt ad tranquillitatem & si opus est, proprij corporis ruina publicum extinguunt incendium, qui in pace ornamento esse, in bello subsidio ire pulchrum existimant, an non quasi ad salutem ciuitatum diuino prudentiæ munere missos venerabimur? His enim sublati è medio, tanquam splendidissimis luminibus ingruente periculo, frustra oculorum aciem in sapientiam humanitatis & beneuolentiæ vultu serenatam intendas: frustra rerum angustijs aut temporum asperitatibus circumclusus opem implores, aut ad sacram dexteram confugas, vt imprudentia lapsum erigat, afflictum consoletur, subleuet desperantē, Quid mirum? si tantus mœror occupauit omnia, moriente tam bono & sapiente viro, cuius acerbilitatem neq; interposita exequiarū mora minuere potuit, imò diutius prorogata vehementer auxit. Nimirum, vt sol à meridie recedens vmbra facit maiorem, ita infelix lachryma, ab illa die funestissima, quæ nobis spem omnem abstulit, resiliens acriorem in dies dolendi materiam accumulat, &

lat, & quanto sumus bono spoliati, in memoriam
reuocare conatur. Nam cum sit receptum con-
suetudine, vt non adeò nos delectent præsentia,
sicut excruciant amissa, sæpiusque virtutem quam
præsentem inuiti conspiciebamus, mox absen-
tem quæramus cum inuidia: nunc demùm cogno-
scere incipimus, quantum fuerit positum præsidij
aut ornamenti publici, in Supremo Regni Polo-
niæ Marschalco MYSCOVIO. Cuius excelsa virtus
in illustri loco posita, quam multos domi ad pu-
blica decora excitauit, ignotos & externos in sui
cultum & admirationem pertraxit, difficile est ex-
plicando percensere. Si tamen oculos conijcias,
in tot squallore ac luctu vestitos Ordines: si pe-
ctorum crebriores tunsiones, & plusquam fœmi-
neos vlulatus: si templorum parietes deposito
splendore suo deformatos: si deniquè consuetam
vrbis lætitiā, in tristissimi temporis faciem com-
mutatam consideres, adhuc dubitabis cuius &
quanti viri funus ducatur? Quid memorem cli-
entelas, amicos, & si quid vsquam est, in quod bo-
nitatis illius heroicæ fons liberalissimè & suauis-
simè decurrebat, totum id concidit, exaruit, om-
nemque pristinum honorem deposuit. Neque
ego, qui Patroni mei desideratissimi, beneuolam
in me propensionem abundè testatam habeo, do-
loris

loris istius expers sum, imò proprium quendam percipio, quòd in tot afflictis & consternatis animis lachrymando vix gratus esse possum. Quicquid enim collectum erat dicendi aut scribendi exercitio, quod ipsum fuerat exiguum, id omne insignis iste casus eripuit. Quanquam præsente animo & omnibus alijs integris, imò affluente copia Tullianæ orationis, occurrentibus etiã spontè veterum lamentatricum & grauissimorum scriptorum nanijs, maximè subuereor, ne & in illis affectuum varietas, & in his dicendi maiestas consideretur. Tantùm negotij accipimus, cùm admirabilem rerum gestarum excellentiam leuandi animi causa ornandam suscipimus. At cùm propositum non sit dolorem morte MYSCOVII, excitatum augere, eiusmodi enim est, vt ei nihil addi possit, nequè præstantissimas actiones ipsius pari eloquentiæ gloria celebrare. Verùm vt aliquomodo ingratitude notam effugere valeam, ob tam illustrem voluntatis significationem, heroicæ vitæ ac factorum dulci recordatione dolorem paulatim lenire contendam. Neque alibi quærenda est leuatio, quàm vnde vulneris est initium. Si enim contemplor principis viri natalium splendorem aut pietatem & religionem in Deum, linguarum peritiam, singulares animi & corporis do-

A 3 tes,

tes, præstantissimorum in præcipuo Christiano-
rum orbe virorum summam beneuolentiam; ma-
ximos quibus in vita functus est honores, illam
heroicam liberalitatem, animi fortitudinem, mul-
tas alias diuinitus illi concessas virtutes, imò ip-
sum quod caput est, omnium laudationum feli-
cem, & Christiano homini valdè gloriosum, ex
hac vita discessum, quis non facile in erectâ quan-
dam rerum adeò magnarum imitationem aut ad-
mirationem conuerteretur, quæ enim singula sin-
gulis à munificentissimo bonorum largitore Deo
tribui solent, quasi vinculo quodam connexa in
vnum hunc virum confluxerunt. Verùm cum à
longa maiorum prosapia deriuata gloria tribus
potissimùm rebus conseruetur, augeatur, illustri-
orque reddatur. Religionis scilicet non falso &
fucato superstitionis errore, sacrilegos ritus exe-
crante, sed sincerae veritatis & nunquam obtene-
brante perfusa reuerentia, quæ bonæ beatæq; vi-
tæ fundamentum est. Eruditionis & sapientiæ ex-
cellentia, hæc enim est vberissimum alimentum Re-
rumpub: & imperiorum firmissimum fulcrum.
Denique militaris disciplinæ gloria, quæ floren-
tem diu pacem ab externorum incursionibus tue-
tur. In his noster Heros, cum omnes suas cogita-
tiones, omnes vigilias, omnes labores, consumma-
re sui

re sui officij esse in telligeret, cò dirigebat grauif-
simas actiones suas, ex quibus aliquis earum re-
rum splendor eluceret, mentem, animum, ocu-
los; labore, contemplatione, vigilia, obscuratos
fatigatos, cadentesque aliquo pio, erudito, vel for-
ti opereretur retinendo. Magnum quidem est ex cla-
rissimorum aorum & attauorù sanguine ortum
duxisse, maius accepta à maioribus in Senatu lo-
ca splendidissima propria virtute & industria me-
ruisse, at longè maximum noui honoris lucem do-
mum intulisse, posteritati que suæ altiori loco, si-
gnum ad se imitandū erexisse. Nempe generosus
ille vir, nō modò domi cū nobilissimis ex eque-
stri ordine, aut amplissimis ex Senatoria dignita-
te, sed etiam cū præstantissimis Heroum & Dy-
nastarum Illustrissimis pari ad laudem impetu cu-
currit. Hoc verò illi bonum tam pulchrum pi-
etas in primis erga Deum singularis conciliauit,
cuius ille inter magnas virtutes, maximæ præci-
puam habuit rationem. Sciebat optimè imperio-
rum & regnorum maiestatem hac inniti, ab eadem
bonorum tam internorum quam etiam externo-
rum perfectam foelicitatem optimè sperari, quæ
fortunam non in consilio, sed in imperio ha-
bet, omnium actionum optatissimum euentum
deberi: legum authoritatem, magistratus reueren-
tiam

tiam, populi obedientiam ex hac ipsa oriri, & per
eam sanctissimè custodiri, ideoque nullum vn-
quam negotium etiam grauissimis publicis expe-
ditionibus requirētibus aggrediebatur, quin pri-
us mentem submissè deuotam, coram diuina ma-
iestate effunderet, vota & preces ei à quo omne
datum optimum est offerendo. Quo animi robo-
re, quauè constantia semel datam Deo fidem vel
seruauerit, vel propagauerit inde conijcere licet,
quod à nulla re fuit ita alienus, quam ab illis sale-
bris & lacunis putidissimis eorum hominum, qui
ab antiqua maiorum suorum religione ad noua
pseudoprophetarum dogmata, à purissimo Ro-
manæ Ecclesiæ fronte, ad turbidissimas synagoga-
rum sentinas descuerint. Quoties ille in priuatis
vel publicis actibus aliquos contra religionem,
aut eos qui diuino honori dicati sunt insurgentes
repressit, quoties callidissimorum hominum in-
sidias anteuertit aut perfregit. Nihil illo præsen-
te detrimenti aut diminutionis accepit vnquam
clerus, ita saluberrimis consilijs instructus, ita Ca-
tholica animi fortitudine enutritus, superbos in-
solentium hominum spiritus demoliebatur. Con-
firmant hunc ipsius animum tot Comitiorum Se-
natus consulta, imò ipsa loquuntur templa, in ho-
norem Dei ex fundamentis erecta, & annuis ijsq;
libera-

liberalissimis dotata prouentibus, quantum ille
pro tuenda & amplificanda religione contende-
rit, obquam (si ita fieri oporteret) non modò cō-
minationes perditissimorum hominum, dicam
grauius audacissimorum gladiatorum licentiam
spernere, caput ipsum, pectus denique certissimis
periculis obijcere, dulce & decorum existimaret.
O diuinam planè vim, ô prædicandam & omni
laude dignissimam virtutem! quis, quæso, hanc,
etiamsi odio aut inuidia suffusus, non amauerit, si
virtus in hoste quoquè diligitur, quis non summa
prædicatione dignâ esse iudicauerit, si nulla gens
adeò barbara, nullus adeò crudelis populus, nul-
lus terrarum angulus ita ab omni humanitate re-
motus est, qui non putaret Deum esse præcipuo
quodam animi cultu venerandum. Iam verò quæ
tanta dicendi copia, quod tam copiosum oratio-
nis flumen reperietur, vt sapientiæ encomia, quæ
in ore omnium celebrantur, non dico celebrando
sed vel leniter percensere attingēdo possit. Nul-
lam siquidem cognitionem libero homine dignâ,
quin in ea probe versatus multumque exercitatus
fuiſſet reliquit, nullam scientiam grauem & recon-
ditam, quam non prius castigatam concoxisset re-
posuit, nullum doctrinæ studium omisit, cui non
consuetudinem frequentem adiunxisset. Omnes
B difficul-

difficultatum radices euellere, occultas & admirabiles rerum causas perscrutari & cognoscere, Historicorum & Poëtarum libros euoluere, prudentiæ ciuilis abdita sacraria penetrare, toto conatu nitebatur. Quid multis? nulla prorsus selectioris literaturæ dogmata, tam ex veteribus, quàm nostri seculi scriptoribus reperires, quibus ille sedulò animum suum non deuouerit. Neque verò his contentus vir magnanimus ad maturiores fructus appropinquare, priuatis & publicis rationibus innixus admodum expedire arbitratus est, non his tantùm angustis finibus & arctatis cancellis consistere, sed in remotissimis orbis recessibus scientiam latitantem, ipsius incredibili studio inflāmatum persequendam sibi esse statuit. Peragratuit Italiam, lustrauit Galliam, alteram fœcundissimarum virtutum altricem, alteram bonorū studiōrū genuinā & veram matrem coluit & obseruauit. Obuersabatur illi nempè ob oculos, quem Homerus speculum vitæ humanæ vocat (Vlisses) qui extincto Troiani belli flagrante incendio, multorum hominum mores cognouit & vrbes, multarum linguarum peritiam didicit, nullis calamitatibus, nullis aduersarum rerum periculis succumbens, vt ex ipsis prudentiæ & sapientiæ fontibus hauriret vberius, illarum quæ nationum, mores, leges,

ges, instituta, iudicia, consuetudines, quæ omnia
ad prudentiam comparandam non paruo solent
esse adiumento cognosceret. Inde reuersus sin-
gula ex his ornamenta tanquam sedula, & operi
suo intenta apis, flosculis suauissimis delibatis,
primùm domi suæ forisq̃ue virtutum quosdam fa-
uos extruebat, vt hinc ad Reipub: vtilitatem, ac
integritatem plena afferet aluearia. Vidit perspi-
caciissimo sapientiæ oculo, sine horum præsidio,
nullam vñquam Rempub: nullum imperium, nul-
lam prouinciam diu consistere, aut constitutam
(si tamen aliqua potuit constitui) florere, & benè
ad tempus permanere. At postquam has virtutum
Myriadas, hæc non adumbrata sed expressa, & fi-
deliter consignata in animo artium ingenuarum
simulachra, præclaras etiam dotes, non tacendis
quibusdam facinoribus insignitas, quæ magnum
sibi vbique nomen peperere coaceruauisset; pro-
tinus omnium ora in se vnum conuersa, oculos di-
ligentiùs defixos videt, auxerat enim eius famam
incredibilem expectatio iucundissima, expectati-
onem ipsius aduentus, admiratioq̃ue superauit.
Cuius magnarum virtutum odor, cùm sapientissi-
mi Regis SIGISMVNDI TERTII animum afflâs-
set, acciuit virum, bonorû ciuium amantissimus
Princeps, cùmque animaduertisset consilio gra-
uem,

uem, industria in agendis dexteritate in confici-
endis negotijs singularem, ornauit insignem pru-
dentiam, amplissimo honoris qui tunc acciderat
testimonio, Capitaneum primò Petricouieſ: mox
secretorum Regni conſiliorum participem fecit.
Accedente poſtea meritorum magnitudine, ac-
ceſſit ſummus in Repub: honos, Supremi in Re-
gno Poloniae MARS CHALCI. Quod ſanè diuino
factum eſt conſilio; vt enim vmbra nunquam re-
cedit à corpore, ſed præcedit vel ſequitur ſem-
per: ita dignitatis ſplendor, virtutem etiam renu-
entem ſequatur neceſſe eſt. Declarauit hoc pro-
greſſu temporis MYSCOVIVS, ita enim grauiter
& conſtanter, integrè & incorruptè geſſit Magi-
ſtratum, vt Maximi & Potentiſſimi Regis ſpem
de ſe conceptam, non æquauerit modò ſed ſupe-
rauerit, quoque maior eſſet poſtea rei gerendæ
difficultas, eò maior in eo virtus appareret, nec
quiſquam tanta concipere potuit quin maiora
ſemper præſtiterit. Nullum negotium tantis dif-
ficultatibus irretitum reperiabatur, in quo fidem
& dexteritatem ſuam non probaret, nulla cauſa
tàm dubia & anceps, quàm ſingulari prudentia
non expediret, nihil tàm graue quòd non ſuſtine-
ret, nihil tàm occultum quòd non antè præuide-
ret, nihil deniquè tàm magnum quòd ſine eo in
Repub:

Repub : actum tractatumue fuisset. Consultabat
quæ agenda erant cunctanter, exequebatur quæ
decreuerat maturè, nunquam submittendo animū
ad quæcunque sublimia natum. Atquē vt nobi-
lissimæ palmarum frondes, quò grauiori pondere
ad terram deprimuntur, eò maiori connisu erigun-
tur. Sic animus excelsus maiora publici muneris
negotia grauioresque curas altiori quadam virtu-
te superabat. Quantæ dignitatis fuit illa persona
quam illi ante paucos annos S. M. R. imposuit,
dum in illustrem & vndique potentem Austria-
cam domum mitteretur petiturus nuptias Sere-
nissimæ **CONSTANTIAE** Reginae Poloniae, quam
nunc summa cum voluptate aspicimus, pulcher-
rima & gratissima prole parentem generosissimā,
quid dico generosissimam? immò pupillorum &
afflictorum omnium matrem & Dominam libe-
ralissimam, quæ inserta nostro sanguini vberimos
in Regnum hoc amplissimum effudit fructus, ob-
lita sui, oblita domus paternæ, vt non ita iam lac-
taci sit simile, atque illa nostris moribus & affecti-
onibus. Hoc Germaniæ decus & quasi dulcissi-
mæ parentis oculum dum studet in alienā terram
asportare quid non tētauit? quas ibi dexteritatis,
industriæ, sapiētiae opes expromere, quos tunc la-
bores, quas exorbere molestias, quā deniq; maie-

statem tãti Principis tueri oportuit : sustinuit ille
omnia, atq; ita sustinuit, vt ex illa autoritate dignũ
iudicarent, qui Regiæ dignitatis fidei virtutisque
exemplar ac perfectã effigiẽ in se vno circũferret.
Boni ciuis est & Patriæ amantis Rempub : consi-
lijs adiuuare, vigilantibus oculis excubare, impẽ-
dentes procellas exitium minitantes sedare, insu-
per omnem suam qua viuitur substitutiã pro ipsi-
us incolumitate profundere, propriam salutem
communi salute posteriorem ducere. Quis hoc
in Myscoviõ tanquam in copiosissimo bona-
rum virtutum refertissimo promptuario non vi-
deat? Nihil dico de facultatibus quas ille sibi à
fortuna concessas in Patriæ vtilitatem, toties
contulit. Etenim vt sanctissimis Patriæ laribus
sacrificaret vitam suam, & si quid carius vita pro
Repub : in cõfertissimas calamitatum centurias,
prodigaliter proijcere paratissimus erat. Sæpẽnu-
mero turbulentos fluctus comprimere & tran-
quillitatem tanquam aliquis benignus Neptunus
Regno suo inducere, quorundam nauigia in dif-
ficultatum scopulis hærentia, rationis suæ triden-
ti alleuare, expedire, varios superandi modos ten-
tatos infirmare, cum viris magni iudicij & pro-
fundæ eruditionis rationibus congregari, tela o-
mnis generis argumentorum in se contorta eli-
dere.

dere. Nec mirum? quem etenim eius in dicenda sententia grauitas non permoueret, quem auctoritas ad assentiendum non impelleret, quis in legibus interpretandis prudentiam admiratus non acquiesceret, in controuersijs dirimendis facilitatem, in sedandis inimicitiarum motibus potentiam, non magnificeret, in ijs quæ recta & salutaria erant proferendis libertatem, in exequendis constantiam non amplecteretur? Quid multis! Omnia officia perfecti Senatoris & Supremi **MARSCHALCI** optimè expreslisti. Sapientissimi Regis voluntati prout par fuit obsecundasti, quoties curam Reipub. capeffere opus fuerat, nullam moram interposuisti, nullam occasionem neglexisti, talem te esse ostendens, quem non fortunæ ceca temeritas non iudicium inconstantis vulgi, non repentina turbatoris alicuius autoritas, sed cælum ipsum, vel potiùs ipse cæli conditor virum Reipub. donaret. Nec toga solummodo aptissimus fuerat hic vir, sed & ubi quis increpuit belli tumultus, stetit forti & infracto animo ad pugnam pro Patria vel cum Patria: quem non excursiones perturbare, non hostium impetus infestare valuerunt, non terrebatur multitudine pugnantium, non telorum vndiquaque volitantium crepidine percellebatur, nec globorum fragorem expauescebat.

ſcebat. Sed veluti Marpeſia cautes, vincebat magnitudine ſua & conſilio magnanimitatem, non dicam temeritatem, audaciam animi fortitudine, furorem & nimiam excandefcentiam manſuetudine, pertinaciam conſtantia; feſtinationem cunſtatione, nullis omnino impoſturis labefactari, nullis periculis infringi, nullis machinis expugnari poterat. Quid ego nunc comitatem affabilitatem, humanitatem prædicem? quarum vnaquæq; maximè homini in eminenti dignitatis gradu conuenientiſſima, in eo tanta erat, vt neminem aut aſpectu, aut colloquio ſuo arceret, omnium poſtulata libenter cognosceret, nihil iuſta petentibus denegaret, ſolacium afflictorum, patrocini-um oppreſſorum, perſugium innocentium commune appellaretur. Si quid negandum aliquando fuit, ea ſermonis lenitate utebatur, vt eos quoque quibus negabat æquos à ſe placatosq; dimitteſ. Et licet ſemper ab omni labe ſuperbiæ quæ turpiſſima conſpergit macula, virum Principem, alienus eſſet; tamen in perſona & officio publico grauitatem humanitate temperabat, modum quæ in ſermone qui color quidam iudicium quæ animi infallibile eſſe ſolet, hunc tenebat, vt non nimis celeriter, incautè, curioſè, & verbis exquiſitis, ſed grauius, circumſpectè, manſuete, ac breuiter, idq; neceſ-

necessitate urgente, animi sui sensa explicaret. Pleni sunt loci omnes liberalitate ipsius, quam priuatim & publicè factam, multi passim loquuntur & loquentur; nam suis opibus multorum inopiam subleuauit, sine contractione frontis, sine asperitate vultus, sine dolore cordis. Quominùs vere ar ego illum Alexandro etsi tanto Regi conferre, quem frequenter gloriari solitum esse legimus, quod à nemine liberalitatis & benignitatis studio superaretur: nihil enim ei potuit gratius accidere quàm si beneficentiæ occasionem dedisset. Nimirum multò præclarius & laudabilius esse arbitrabatur beneficiorum quàm trophæorum multitudinem post se relinquere. Cui ad immortalitatem certissimæ viæ dum incumbit diligentius, summa cum animi distractione & valetudinis iactura, attritusq; vel potius confectus, se paulatim debilitari ac in dies magis ac magis, à durissima morborum vi superari fere q; omnem ex intimis medullis vitalem calorem euocari cognoscit, excurrendum sibi, reficiendi animi & corporis causa ad exterarum nationes censuit: ut administrationi publicæ, cui totum se destinauerat, magis prodesse quod in votis semper habuit potuisset. Bone Deus quis tum dolorem abditum in penetralibus cordis & extra prorumpentem non sensit; expallescebant

tristes vultus propinquorum, vocem haud emit-
tendo retinere exoptabant, gemitus sanguine iun-
ctorum exaudiebatur, lamentus ornatissimarum
filiarum personabāt. Nemo erat qui singultus
prohiberet, qui à suspirijs vacaret, qui sibi à lachri-
mis temperaret, qui mæstissimam vocem compri-
meret: Senatores suum consiliarium, Patria filiū,
Respub: propugnatorem, amici protectorem, ci-
ues defensorem, famuli benefactorem, Præfectu-
ræ iudicem æquissimum & vigilantissimum, ex
conspectu suo abire conquerebantur. Vicit tamē
ratio publici boni, vicit amor Reipub: discessit
mæstus mæstos deferens, Patriæ dulce solum re-
linquens. In quo ipso itinere qui & quantus vbi-
que habitus fuerit ei honos longum esset percen-
sere, summus quidem certè, siue Dv cvm Ger-
maniae, siue Italiae Principum occursum & splen-
dorem, qui obuiam veniebant equitum atq; pe-
ditum siue apparatus & magnificentiam qua e-
um vbiq; excipiebant, intueri voluisses, certatim
ad videndum & salutandum faustis acclamationi-
bus appropinquabant. Nec immeritò, cum nullū
Regnum, nullum imperium, nulla Prouincia pluri-
morū ex eadem prosapia longa seriè promanantiū
celebratæ virtutis & dignitatis quas in Augustissi-
mo huius Regni Senatu exequébatur; Episcoporū

Palla-

Pallatinorū aliquādo inauditæ & peruagatæ fuerint. Non degenerauerat à maioribus suis SIGISMUNDVS MYSCOVVS, quæ enim ora Christiani orbis tam deserta, quam non peragrauit: quæ remota natio, quam non adierit: quis Rex, quis Princeps tam longè terrarum dissitus, quo cum negotia magna non tractauerit; in summa toto co, quo functus est suo Magistratu videbis expressa vestigia, declarata exempla fauoris & amoris, Magnorum, Franciæ, Germaniæ, Vngariæ, Hispaniæ, Regum potentissimorum. Inter tot clarissima Principum monimenta, non possum præterire VINCENTIVM GONZAGAM, florentissimum Mantuanorum Ducem, qui ob admirationem maximarum virtutum MYSCOVII, nobilissimæ suæ familiæ insignia concessit perpetuò amicitiae & consanguinitatis quodam fœdere coniunxit, & in omnem posteritatem transfusam fide & auctoritate firmissimè stabilivit. Sed hæc, & multa alia, quæ singula, multis maximo ornamento esse possent, summam animi moderationem non immutauerunt, grauissimis summorum virorum de sua virtute iudiciis, non deseruit veterem illam & valde familiarem sibi facilitatem: non secùs vt aurū quamuis modo sic, modo aliter ab arte transfigeretur, atq; ad varias ornamentorum species trans-

formetur, permanet tamen id quod est, nec mutationem patitur. Sic ille, licet aliud ab alio per gradus obtinuerit regimen, perueneritque ad ipsum honorum fastigium, idem tamen permanens, non in iisdem rebus, eandem constantiae formam, eundem animi habitum conseruauit. Cæterum cum quies ei tandem aliqua & relaxatio, à laboribus deberi videretur, emensis tot itineribus, ô spes inanes! ô cogitationes fallaces, exantlatis tot laboribus. Heu Patria, heu familia, multis maiorû insignibus clarissima, (nec enim ista sine lachrymis, & sine intimo quodam sensu doloris, tractari possunt.) Ecce in decursu anni eiusdem immatura morte, (omnis enim est immatura, quæ bonis nunquam est matura) magnus Heros occubuit. Non fuit tamen ita prosperus è corpore exitus, quin eum multò antè præuiderit, & insigni animi patientiâ, vt decet Christiani animi, robur exceperit. Diem quippè mortis adesse prospiciens, diem illum salutis adesse dicebat, curisque omnibus secularibus amandatis, in eo sibi omnes cogitationes usque ad extremum spiritum figendas, sanctissimè protestatus est. O graue vulnus, quo Poloniae lumen extinctum cecidit! dolet sublatum Respub: suum ornamentum, obscuratam suam gloriam: consanguinei conqueruntur, exclusam sibi

sibi spem, amici ereptam suauitatem ingemiscūt.
Non est opus mercede eliciamus præficarum pul-
lam & lachrymam, tota Prouincia est luctus, tota
familia imber lachrymarum. O funus genti Polo-
næ acerbissimū: ô spectaculum Domus IASTRZE-
BIORVM tristissimum, durum nuncium propin-
quis, acerbus dolor coniugi carissimæ, luctus ca-
rissimorum liberorum indefessus, quæstus & la-
menta hominum lectissimorum iustissima; quis i-
ta inhumanus qui non suspiret, præcisum columē
ciuitatis intuitus nō perhorrescat. Itanè dira mors
nullum precibus vniuersorum ante tuum inelucta-
bilem aduentum locum relinquens, nimis inhu-
maniter appropinquasti, appropinquando rapui-
sti, rapiendo enecasti. Miseram mortalium con-
ditionem quæ mortis imperio durissimo subiacet
& ad eius nutum sine discrimine vitam hanc & lu-
cem deferit. Quid agas? hoc iuris habet, æquo a-
nimo ferenda est. Siste tamen lachrymam, detege
genas madentes BOGVSSORVM sanguis genero-
sissime HELIZABETH, lectissima coniunx Magni
SIGISMVNDI. Satis iam satis imbrium, ad ipsius
è vita excessū effudisti: quid? dies iste vltimus in-
fælicitatis humanæ, primus illi & faustissimus, iam
ex hoc omnium calamitatum oceano in fælicissi-
mum tranquillitatis beatæ portum transuectus,

sub pedibus videt astra labentia. Desine & tu dignissima tanto Parente progenies, desine inquam aliquando indulgere fletui, oculis præ dolore caligantibus illum cælo inuidere, quid? vobis Nilus diuite & fecundo manans alueo, qui vestræ iuuentutis agellum consilijs sapientissimis erudiendo obliuabat fluere desijt! Atqui de illis beatarum mentium sedibus vestras actiones, vestras cogitationes paterno oculo considerans flumine felicitatis irrigabit. Hiccine est ille defuncti amicus, ille inquam vir MARTINVS SZYSKOWSKI Magnus Plociæ Episcopus: itanè potuit vultum sapientis concitare fortuna, potuit concitare, non tamè superare: Scilicet viri etiam perfecti dolorem sentiunt necessarium, nisi se homines esse obliuiscantur: qui cum vnum in rebus humanis amicum plurimi faciunt; ita vnius istius iactura commouentur. Tu verò peculiarem habes dolorem Religiosissime Antistes, quia cecidit, per quem stetit foro iustitia, literis decor, religioni nitor, & qui tibi olim voluptati fuerat nunc etiam ornamento, Sed satis querelatum, ecce ille, lutea compage solutus, tui & tuorum amicissimum patronum aget apud Deum, obfides seruata & nunc amicitia accipe filios. Et tu clarissimum decus Illustrissime Comitum de Tarnow Stanislæ, in lachrymas solueris, quod amico-

rum

rum amicissimum, & amatorem fidissimum, cum quo coniunctissimè semper vixisti amittas: præsentiam quidem tibi subtraxit suam, fidem nõ soluit, eundem amicum iuratum, amicitiae Sacramento obstrictum, in omnem æternitatem habebis. Video & te inter merentes amicos Magne magni Imperij Polonici Cancellarię FELIX KRISKI, & iure, honoris enim & dignitatis tuæ amplificatore: suorum in Rempub: meritorum præcone ac buccinatore te carere vides. Forti animo fer (vt facis) quod vitari non potuit, & concitato ad amplissimos honorum gradus cursu, præclarissimis tuis contentionibus perge & completo, perfice immortalem gloriam, (quæ est amplissimum rectè factorum præmium) relaturus. Nec tuum dissimulare possum vulnus Illustris Nicolae de Komorow Comes in Liptow & Orawâ, vir re bellica clarissime: Parentem enim dulcissimum desideras, sed quem casus inopinatus abstulit, eundem amor & pietas restituet tua, mortuus alijs tibi nunquam morietur, quin ipsius nomen in tuis factis & egregijs pro Repub: facinoribus æternum viuet, & cum te suorum factorum imitatorẽ ex illo cælesti domicilio contemplantur, gloriabitur multum, vt verè expressa sui in te imagine. Cessate à plangore consanguinei, affines, cognati, vo-

ti, vosque appello PRÆREBIOREM peructusta
Domus, quæ olim me quoque tuo in gremio fo-
uisti, vestrum asyllum tutissimum, vestrum iubar
splendidissimum ex hac vita migravit in aliam lon-
gè beatiorē. Nescio quam adhibeam dolori
vestro prorsus immedicabilem medicinam, con-
soler vos? ipse solatij indigus, acerbum hoc fune-
ris huius vulnus in me ipso recrudescit, vobis vo-
bis ipsis accepta plaga insanabilis, ac mortifera
est, ut sanari non posse videatur. Hoc vnum
duntaxat memineritis communem hanc in nos o-
mnes à Supremo illo Imperatore DEO dictam le-
gem; quam natura in corporibus nostris, in sensi-
bus nostris insculpsit, & quod gravissimum statu-
it commune fecit, ut crudelitatem fati consolare-
tur æqualitas. Redeat solitus vester splendor &
Senatorij Ordinis lumina, quid oculos vestros al-
leuatis? aures erigitis, sapientissimum consilium
ex ore Consiliarij præstolamini? quid cogitatio-
nibus defixi hæretis? videtis vno eodemq; fune-
re, quàm multorum concluduntur funera: at vo-
bis pulcherrimum, esse vnum è lectissima Coro-
na, inter illas sempiternas mentes quæ beatitu-
dinis iucunditate fruuntur æterna. Meruit hoc
illius virtus, illius pro Patria continuus & maxi-
mè anxius labor, inflammatus semper animus a-
more

amore boni communis; non legistis? ijs qui Rem-
pub: auxerint, consilio adiuuarint, certum ac
definitum esse in cælo locum. Incredibilis Rei-
pub: & vestrûm omnium luctus, me in has orati-
onis concisæ angustias detrussit, & tanquam qui-
busdam cancellis circumsepsit, extra quos egredi
non licet, ne fortè virtutum eius altissimarum cõ-
memoratione nouum in animis vestris excitẽ do-
lorẽ. Sed amẽs essem & crudelis, si vestras in tanti
viri funere (qui propter suam dignitatẽ videbatur
mori non debuisse) lachrymas cohibẽdas esse pu-
tarem. Dolete mortem eius vobis immaturã, Pa-
triæ inopportunam, qui etiamsi naturæ satis vixis-
se videbatur, glorię plus quàm satis, Patriæ tamen
non satis, bonis omnibus, afflictis, miseris, vtinã
nunquam moreretur. Tune hoc & tam alieno
Reipub: tempore, nos desertos á te voluisti? dies
tibi quidem fælix, quo caducas istas & fluxas res
æternis rebus commutasti: at nobis infelix, qui
fati crudelitate te rerum nostrarû tutelari & præ-
sidi spoliatur. Dabit is hanc dolori meo, con-
cedetis perturbato animo veniam, si cuius perfe-
ctissimum & absolutissimum exemplar expressisse
debebam, eius vobis vmbra tantum & somnium
funesto & lugubri penicillo spectandû proposui,
umbra est, in cinerem & fauillam redactus est: huc

ille deflexit Heros, cuius virtus; domi, foris, in
sago, & in toga, in Patria, apud externos, ubique
clarissima illuxit, qui oculum vigilantem, nun-
quam à Reipub: salute dimouit, cuius liberalitas
vnicuique liberalis patuit, cuius auxilium omnes
calamitosos de fortunæ iniquitate subleuauit.
Talem & tantum nō defleamus virum? quem sola
terrarum vltima infelici rumore de ipsius morte
accepto, luxisse dicuntur, cuius occasum muti tē-
plorum parietes, testes, ipsius in se munificentiae
deflere videntur, ad cuius decessum Diuinus A-
pollo, comam suam flauentem puluere respersis-
se & omnem eruditorum virorum Ordinem com-
monuisse dicitur, vt amisso sui honoris propugna-
tore, & defensore, orationem suam in luctum &
lachrymas solueret. Nihil dico quā insignem
calamitatem ex morte Patroni sui Religiosorum
sacratæ domus acceperint, quibus si ratio & ora-
tiō præsto esset, hac voce dolorem suum testaren-
tur. Quantum auri & argenti, quantum ornamē-
torum in templis, quantum alimenti in claustris
nostris habuimus, id omne ex singulari M y s c o-
v i i benignitate nos accepisse profitemur, eo mor-
tuo, quid nobis expectandum est nisi mors: si in
cuius gratia spem nostram collocaueramus, vnā
cum fructu emarcuit. Nec sacratæ modo domus,
de sua

de sua orbitate conqueruntur, sed prædiorum,
oppidorum, species illæ perillustres, illum suū
splendorem, illam suam dignitatem & tranquillitatem,
huic soli acceptam debere se protestantur,
nunc exangues, squallore & turpi situ obductæ,
tam beneficum & salutarem conservatorem suū
desiderant. Sed quorsum lachrymæ vestræ? siue
ob MYSCOVIVM virtutis amatorem siue ob
vestram fortunam frustra effunduntur. Etenim
quāvis ille hanc naturæ legem per mortē expler
uisset, quāvis tributum hoc mortalibus omni-
bus impositum persoluisset, maxima tamen ei-
pars vitavit Libithinam, vivit viuetque eius glo-
ria & fama, occidere non poterunt diuinarum vir-
tutum specimina, quin magis rerum gestarū ma-
gnitudinem repetens posteritas admirabitur; nec
enim istis angustis carceribus quibus corpus, rectè
factorum memoria cōstringitur. Itaque dum alij
obeliscos, ingentia gestorum suorum constituunt
trophæa, ad populi fauores colligendos MYSCO-
V II nomen ære perennius, in omnē durabit æter-
nitatem, & quantum illis detrahet omnia consu-
mens vetustas, tantum isti addet ad gloriam sem-
piternam, rerum præclarè gestarū magnitudo.



